

**TEKS UCAPAN**

**BRIG. JEN. DATO' PROF. DR. KAMARUDIN HUSSIN, NAIB  
CANSELOR UNIVERSITI MALAYSIA PERLIS (UniMAP)  
SEMPENA PROGRAM SENAMROBIK BERSAMA  
MAHASISWA UniMAP SEMPENA MINGGU SUAIKENAL  
SIDANG AKADEMIK 2009/10, 2 JULAI 2009.**

Bismillah Hirrahman Nirrahim

Assalamualaikum Warahmatullahi Taala Wabarakatuh Dan  
Salam Sejahtera.

Yang Berbahagia Prof. Dr. Zul Azhar Zahid Jamal, Timbalan  
Naib Canselor UniMAP (Penyelidikan Dan Inovasi),

Pegawai-Pegawai Utama Universiti

Dekan - Dekan Dan Ketua-Ketua Jabatan UniMAP

Pelajar-pelajar UniMAP, Seterusnya tuan-tuan dan puan-puan  
yang dihormati sekalian.

Terlebih dahulu marilah kita bersama-sama bersyukur  
kehadrat Allah Subhanahuwataala kerana hanya dengan

limpah kurniaNya kita dapat bersama-sama pada pagi ini dalam **Program Senamrobik Bersama Mahasiswa UniMAP Sempena MSK Sidang Akademik 2009/10** bagi tahun 2009 ini.

Marilah kita bersama-sama juga berdoa agar Allah Subhanahuwataala memberkati usaha kita ini dan melindungi kita semua daripada apa jua kesulitan dan kekurangan.

Ladies and Gentlemen,

I am happy to be here, on this stage be with all of you, UniMAP staff and students. There's no other word to express my gratitude for your full commitment except thank you very much. I really appreciate your presence.

A warm welcome I bid to all the international students. Even though you are far away from your family, we assure you that your learning in Perlis will broaden with joy and excitement especially in cultural exchange.

While you are here, we will try our best not let you be occupied with loneliness. We have planed many activities for you. You are also invited to join us in our weekly morning exercise . So

don't worry too much, please enjoy your life being a UniMAP student.

Hadirin sekalian,

Seperti yang anda semua sedia maklum, Universiti Malaysia Perlis dikenali sebagai salah sebuah universiti teknikal yang menghasilkan produk ataupun graduan yang mempunyai kemahiran akademik semata-mata.

Ini kerana persepsi masyarakat yang menganggap graduan kejuruteraan hanya berjaya di medan kerjaya tanpa mempedulikan persekitaran dan kesihatan diri.

Namun apa yang cuba dihasilkan UniMAP bukan jurutera robot semata-mata tetapi jurutera versatil yang mempunyai kemahiran insaniah yang mencakupi akademik, sukan, budaya dan sebagainya.

Oleh itu, program yang diadakan pada hari ini merupakan penjanaan semula usaha-usaha mempertingkatkan aktiviti kesukuanan dan kecergasan sebagai elemen penting dalam membantu negara supaya lebih dinamik dan progresif.

Hadirin sekalian,

Kita mampu untuk menghasilkan jurutera yang kompeten, tetapi, mampukah kita menghasilkan seorang jurutera yang sihat? Saya tinggalkan soalan itu untuk renungan para pelajar sekalian.

Sebagai Naib Canselor UniMAP dan ketua sebuah organisasi, saya mengharapkan agar pencapaian yang seimbang dalam bidang akademik dan sukan.

Baru-baru ini, kita telah muncul sebagai Juara Keseluruhan pada Kejohanan Sukan Kakitangan Antara Universiti (SUKUM) ke-34 yang diadakan di UMT Terengganu dengan kutipan 30 pingat emas berbanding 22 emas tahun lalu.

Semoga kejayaan ini akan memberi perangsang kepada para pelajar untuk menjulang kemenangan di Kejohanan Majlis Sukan Antara Universiti Malaysia (Masum) pada tahun hadapan.

Hadirin sekalian,

Kini, saya akan bercakap dari perspektif anda sebagai seorang atlet, UniMAP memerlukan atlet yang benar-benar berwibawa untuk membawa cabaran kita bukan saja di peringkat nasional malah di peringkat antarabangsa.

Saya kira untuk meletakkan kedudukan sukan universiti ke peringkat yang lebih tinggi, kita perlu menggunakan pendekatan yang lebih menyeluruh, kerana prestasi atlet tidak lagi bergantung kepada kekuatan fizikal dan mental semata-mata tetapi juga bergantung kepada pendekatan saintifik, perancangan jangka panjang dan pengurusan yang terbaik.

Hadirin sekalian,

Banyak program yang telah dirancang dan dilaksanakan untuk menghasilkan atlet yang berwibawa, namun kita masih belum mampu bersaing dengan atlet luar dalam erti kata sebenarnya yang mana saya beranggapan bahawa kita juga mempunyai kebolehan dan kemampuan yang sama dengan mereka.

Hal ini kerana, kita mempunyai kekangan masa antara pelajaran dan sukan. Namun, saya harap ini tidak dijadikan alasan untuk anda tidak melibatkan diri dalam aktiviti bersukan.

Namun begitu, saya masih percaya melalui kepakaran dan kemudahan yang ada di universiti, saya yakin para pelajar UniMAP mampu bangkit untuk mengisi segala ruang-ruang kosong tersebut. Justeru itu, UniMAP sentiasa memberikan galakan dan bantuan untuk menguruskan pembangunan sukan atlet universiti.

Hadirin sekalian,

Akhir kata, Saya berharap para pelajar akan sentiasa mengambil peluang yang ada dengan menggunakan segala kemudahan sukan secara optimum untuk mengembang bakat dan meningkatkan prestasi anda dalam bidang sukan. Saya sudahi dengan Wabillahitaufik walhidayah wassalamualaikum warahmatullahi taala wabarakatuh.